

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件广告宣传页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件广告宣传页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>





梵女首意經

有德女所問大乘經

佛說七俱胝佛母心大准提陀羅尼經

佛說七俱胝佛母准提大明陀羅尼經

西晉三藏法師竺法護

唐南天竺國沙門菩提流志奉制第三譯

唐武周沙門地婆訶羅譯

觀行  
法附  
唐天竺三藏金剛智譯

梵女首意經、有德女所問大乘經、佛說七俱胝佛母心大准提陀羅尼經、佛說七俱胝佛母准提大明陀羅尼經



清刻龍藏佛說法變相圖

四經同卷

梵女首意經

有德女所問大乘經

佛說七俱胝佛母心大准提陀羅尼經

佛說七俱胝佛母准提大明陀羅尼經

梵女首意經

莫一

西晉三藏法師竺法護譯

聞如是一時佛遊波羅柰鹿苑仙人所止處而轉法輪與大比丘眾五百人無數菩薩俱諸異佛國各來會爾時世尊晨旦整服持鉢入城而福一切賢者阿難侍如常儀大聖則入波羅柰大城普次街里向梵志門梵志有女名曰首意遙見佛身端正殊妙威神巍巍其心靜然諸根寂定逮上玄默第一憺怕無有衰入恐懼永除其意清淨而無垢穢如

大淵澄紫磨金色晃如寶山若盛大樹華實  
繁茂有三十二大人相莊嚴其身八十種好  
徧布其體昱如大殿而有寶柱如須彌山峻  
峙顯特如月盛滿衆星中明如日出光晃耀  
暉赫無所不照女見佛來住於門外心懷踊  
躍迴入設座還詣佛所稽首佛足下長跪白  
言善來安住願降聖尊屈神臨眄佛垂慈愍  
入館就坐首意悅豫重稽首而取小榻於佛  
前坐進而啓曰唯天中天曾聞如來遊波羅  
柰仙士鹿苑爲沙門梵志梵天龍神諸魔世  
人羣生之儔轉無上輪興顯正法佛告梵女  
如是如是誠如所云吾遊斯國轉無上輪爲  
諸未聞宣現正法不以非法首意問佛何謂  
如來所轉法輪世尊告女以十二事緣起之  
法而轉法輪首意白佛重加大恩爲我分別

廣說十二緣起之法法輪所歸令識誼趣佛  
言諦聽善思念之吾當爲汝解散其誼梵女  
首意受教而聽佛告女曰若計有我便有終  
始起於不起從癡因緣則便有行從行因緣  
則便有識從識因緣則有名色從名色因緣  
則有六入從六入莫一因緣則便更習從更習因  
緣則便有痛從痛因緣則便有愛從愛因緣  
則便有受從受因緣則便有有從有因緣則  
便致生從生因緣致老病死勤苦愁惱大患  
集會如是女癡滅行識名色六入更習痛愛  
受有生老病死滅勤苦愁惱大患盡除汝欲  
知吾以是法故於波羅柰仙士鹿苑爲諸沙  
門梵志梵天龍神諸魔世人而轉法輪解十  
二因緣若受奉行因可得度首意問佛唯天  
中天法寧有內有外乎告女曰不也女又問

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件宣传广告页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



曰法寧有住無明號乎答曰不也女又問曰  
寧有與明有除滅乎答曰不也女又問曰其  
明達者寧有形貌乎答曰不也女又問曰以  
何因緣而致是身以無有癡何從致生興心  
慢意因成其行何謂因緣而得合成又曰唯  
大聖如樹無根何因忽生莖節枝葉華實如  
是世尊計其無明無有形像假使因緣從無  
哲起而致僑慢何謂無哲之原而致於行何  
從致是衆惱集會佛告女欲知諸相本悉清  
淨亦復如是諸法之法法不知法愚冥凡夫  
不聞罪福而造凶危因從凶危則有終始因  
終始則有苦樂計曉於彼亦無作罪亦無福  
者亦復無有進退終始亦復無有遭苦遇樂  
佛告首意汝欲知之譬如幻士化作所化其  
化人者亦不想念言我是化彼之幻士或以

實爲虛或以虛爲實悉是欺詐愚僞之法計  
斯幻士及所化人有所化者亦無所化彼亦  
空虛誰惑迷妄癡騃之法於汝意云何其幻  
化者豈復有內而有外乎答曰不也天中天  
於汝意云何幻無住豈有我名乎答曰不也  
天中天於汝意云何其幻化者豈有到後世  
復來者乎答曰不也天中天於汝意云何其  
幻者豈有所起有所滅乎答曰不也天中天  
於汝意云何其幻化者豈有所有有形像乎  
答曰不也天中天於汝意云何其幻化者豈  
有見聞有幻無幻乎答曰不也天中天其女  
白佛言我曾聞之其幻化者無有見聞有幻  
無幻世尊又問於汝意云何其幻化者假使  
無身豈能令幻化發起諸術乎女答曰唯天  
中天其幻化者實爲如此真無所有佛復言

如是如是女其無明者無內無外計其法者亦無所有亦無字也其無明者不至後世亦無還返其無明者亦無有起亦無有滅其無明者亦無形像適與無明緣致衆行名色六入更習痛愛取有生老病死勤苦愁惱大患集會時女首意白佛言甚爲可竒至未曾有世尊所興而不可及所以者何佛天中天於虛空中而轉法輪不可思議所轉法輪不可稱限無量法輪無獲法輪無形法輪無生法輪滅度法輪世尊告曰如是如是誠如所云

莫一

四

根御制愛欲逮轉法輪轉空無輪無思議輪不可稱限無量無獲無形無生滅度之輪佛尋欣笑五色肯黃赤白綠光從口而出其大光明普照十方無數佛國悉皆覆蔽日月之明還繞身至于三市從頂上入賢者阿難曉了七法一曰知誼二曰解法三曰曉時四曰了節五曰明衆六曰練已七曰採識人本即從座起更整衣服偏袒右肩下右膝叉手白佛今大聖欣笑爲何感應願說其意唯天中天多所愍傷多所安隱哀念諸天世間人民分別說之佛告阿難爾見梵女首意以末梅檀華香擣香供養散佛乎其心誓願逮轉法輪對曰已見佛言是女以斯德本護已安人多所救攝壽終之後當轉女身至八十四億劫不歸惡趣供養六萬諸佛世尊出家爲道



第一

五

志于沙門聽受經法受經法已即時諷誦將  
御如來現在正法佛滅度後供養舍利勸化  
無數無量衆生不可計會使立無上正真之  
道最於後世窮竟劫已於三千大千即當逮  
得無上正真之道成最正覺劫名寶明佛號  
寶光如來至真等正覺明行成爲善逝世間  
解無上士道法御天人師爲佛衆祐其佛當  
壽具足一劫爲難量計羣黎之儔勸發道教  
而逮長益後至無餘於泥洹界而取滅度阿  
難白佛其首意女爲於何佛殖衆德本佛告  
阿難斯女往昔惟衛佛時以女人身初發道  
意取寶珠瓔用散佛上至於今世復會吾前  
志願無上正真之道亦於式佛如來正覺發  
歡喜心加懷篤信脫衣上佛以家之信離家  
爲道而作沙門具滿千歲淨修梵行數數講

問深奧妙法於隨葉如來正覺時以十五日  
供養世尊及諸弟子充滿周備亦復志願無  
上正真之道於拘樓如來正覺時心樂善學  
攬攝章句以諸真珠名香供散佛上其心亦  
誓願成正覺於拘那含牟尼佛正覺時以香  
塗塔盡其形壽供養衣服飲食醫藥牀座於  
二日供養世尊聖衆見迦葉佛供養奉事不  
捨道意今供養吾當轉女身然後得佛道度  
脫衆生佛說如是莫不歡喜  
梵女首意經

有德女所問大乘經

唐南天竺國沙門菩提流志奉 制第三譯

如是我聞一時佛在波羅柰國仙人住處施鹿林中與大比丘衆五百人及無量諸菩薩摩訶薩衆俱爾時世尊食時著衣持鉢共阿逸多菩薩摩訶薩入波羅柰大城乞食於其城中次第行乞至有德婆羅門女家時有德女遙見如來色相端嚴諸根寂靜其心恬曠最上無比威儀顧視審諦閑詳譬如龍王有大威德如真金柱巍然安固如清淨池皎無穢濁欣感不動如第四禪身放光明內外融徹時有德女見如是相心生淨信來詣佛所頂禮如來及阿逸多菩薩摩訶薩足曲躬恭敬合掌向佛而作是言善來世尊善來善逝我於今者欲問所疑惟願垂哀暫時住此于

時世尊默然受請敷座而坐阿逸多菩薩摩訶薩亦隨佛坐爾時有德婆羅門女心生歡喜益加恭敬即白佛言世尊我聞如來於波羅柰仙人住處施鹿林中轉妙法輪未知世尊所轉法輪說於何法佛告之言有德女我轉法輪說無明緣行行緣識識緣名色名色緣六處六處緣觸觸緣受受緣愛愛緣取取緣有有緣生生緣老死憂悲苦惱無明滅則行滅行滅則識滅識滅則名色滅名色滅則六處滅六處滅則觸滅觸滅則受滅受滅則愛滅愛滅則取滅取滅則有滅有滅則生滅生滅則老死憂悲苦惱滅有德女此是如來於波羅柰仙人住處施鹿林中所轉法輪一切世間若沙門若婆羅門若天魔梵悉無有能如法轉者爾時有德婆羅門女白佛言世

尊所言無明爲內有耶爲外有乎佛言不也有德女言世尊若於內外無有無明云何得有無明緣行復次世尊有他世法而來至於今世以不佛言不也有德女復白佛言世尊無明行相是實有耶佛言不也無明自性從於虛妄分別而生非真實生從顛倒生非如理生有德女復白佛言世尊若如是者則無無明云何得有諸行生起於生死中受諸苦報世尊如樹無根則無枝葉華果等物如是無明無自性故行等生起定不可得佛言有德女一切諸法皆畢竟空凡愚迷倒不聞空義設得聞之無智不了由此具造種種諸業既有衆業諸有則生於諸有中備受衆苦第一義諦無有諸業亦無諸有而從業生及以種種衆苦惱事有德女如來應正等覺隨順

世間廣爲衆生演說諸法欲令悟解第一義故有德女第一義者亦隨世間而立名字何以故實義之中能覺所覺一切皆悉不可得故有德女譬如諸佛化作於人此所化人復更化作種種諸物其所化人虛誑不實所化之物亦無實事此亦是所造諸業虛誑不實從業有生亦無實事爾時有德女復白佛言世尊如我解佛所說之義今者如來所轉法輪是虛空法輪性空法輪出離法輪通達法輪不思議法輪無能轉者法輪無等法輪如實法輪無生法輪無自性法輪無相法輪世尊如此法輪如來已轉作是語已即以兩手捧栴檀香末散佛足上而作是言世尊願我以此善根之力於當來世能轉如是種種法輪爾時世尊怡然微笑從於口中放種種

光其光朗曜具舍衆色遍至十方無量世界  
一一世界靡不充滿還來佛所右遶三帛從  
佛頂入爾時阿逸多菩薩摩訶薩白佛言世  
尊如來今者有何因緣忽然微笑如我意解  
非無因緣佛告之言阿逸多汝見此婆羅門  
女以手捧持栴檀香末散我足不答言已見  
佛言此女因今所種善根當於八萬四千億  
劫不墮惡道於六萬四千諸佛所以尊重心  
承事供養聽聞正法守護受持彼佛在世及  
涅槃後如是時間相續不絕復令無量阿僧  
祇衆生迴向善提然後於此三千大千世界  
光曜劫中而得成佛號法光曜如來應正等  
覺其佛住壽滿足一劫教化無量阿僧祇衆  
生令得涅槃爾時阿逸多菩薩摩訶薩復白  
佛言世尊此有德婆羅門女曾於往世種何

善根佛言阿逸多汝今當知此有德女於過  
去世毗婆尸佛出現之時已作女身爲求阿  
耨多羅三藐三菩提解其身上所著瓔珞奉  
上彼佛而爲供養尸棄如來出現之時於其  
佛所問甚深義以妙衣服而爲供養在彼法  
中出家學道修持梵行滿足千年毗葉浮佛  
出現之時營辦種種上好飲食於半月中共  
養彼佛及聲聞衆隨意所須皆無乏少俱留  
孫佛出現之時以阿提目多迦華散彼佛上  
以爲供養得受五戒護持無缺俱那舍牟尼  
佛出現之時願以種種飲食衣服卧具湯藥  
及餘供身所須之物盡佛壽來恒爲供養于  
時彼佛於兩月中受其飲食及革屣等供身  
之具迦葉如來出現之時復以金華散佛供  
養如是所作皆爲求於阿耨多羅三藐三菩

提又作是言願我以此供養善根速得受阿  
耨多羅三藐三菩提記若未得記終不願捨  
女人之身阿逸多此有德婆羅門女過去世  
中所種善根其事如是此則是其最後所受  
女人之報佛說此經已阿逸多菩薩摩訶薩  
及有德婆羅門女一切世間天人阿脩羅等  
皆大歡喜信受奉行

有德女所問大乘經

佛說七俱胝佛母心大准提陀羅尼經

唐武周沙門地婆訶羅譯

爾時佛在舍衛國祇樹給孤獨園是時世尊  
思惟觀察愍念未來諸衆生故說是七俱胝  
佛母心准提陀羅尼法即說呪曰

南無颯哆南三一三藐三勃陀俱胝南二怛姪

他三長引唵折戾四主戾五准提六莎婆訶七

若有比丘比丘尼優婆塞優婆夷受持讀誦

此陀羅尼滿八十萬遍無量劫來所造五無

間等一切諸罪悉滅無餘所在生處皆得值

遇諸佛菩薩所有資具隨意充足生生常得

出家具持菩薩律儀淨戒恒生人天不墮惡

趣常為諸天之所守護若有在家善男女等

誦持之者其家無有災橫痛苦之所惱害諸

有所作無不諧偶所出言教人皆信受若有

誦此陀羅尼呪滿十萬遍夢中得見諸佛菩

薩聲聞緣覺自見口中吐出黑飯若有重罪

誦滿二十萬遍夢中亦見諸佛菩薩亦自見

口中吐出黑飯若有五逆罪者不得如是善

夢現時應當更誦滿七十萬遍是時還得如

前之相乃至夢見吐出白色秬米酪飯當知

此人即是罪滅清淨之相復次我今說此大

陀羅尼所作之事若於佛像前或於塔前若

清淨處以瞿摩夷此云牛糞塗地而作方壇隨其

大小復以華香旛蓋飲食燈明燭火隨力所

辦而供養之復呪香水散於四方及上下

以為結界既結界已於壇四角及壇中央皆

各置一香水之瓶持呪之者於其壇中面向

東方胡跪誦呪一千八十遍其香水瓶即便

自轉叉手捧雜華呪一千八十遍散一鏡面

又於鏡前正觀鏡面誦呪亦一千八十遍又以香油以蘇摩那華香浸著胡麻油中塗手大指誦呪一百八遍即於童面鏡中指爪甲內皆各得見佛菩薩像復誦呪呪花一百八遍而散供養佛菩薩像心所有事一一請問

無不決了若有鬼病以呪呪茅

得香茅第一不得直茅亦

得而拂病人即得除愈若有幼小為鬼所著以五色縷應令童女合以成線一呪一結滿二十一結用繫其頸以白芥子呪之七遍復散其面即便除瘥

復次有法於病者前以墨畫其病人形像呪

楊枝打此畫形亦得除瘥

復有一法若有病人為鬼所著身在遠處應

呪楊枝足滿七遍寄往持打即亦除愈

復有一法若在路行誦念此呪無有賊盜惡

獸等怖

復有一法常持此呪設有諍訟無不獲勝若欲往渡江河大海誦呪而渡無有水中惡獸等難

復有一法若被繫閉枷鎖禁繫其身誦此呪

者即得解脫

復有一法若諸國土水旱不調疫毒流行應以酥和胡麻稗米用手三指取其一撮呪之一遍擲火中燒或經七日七夜六時如是相續不絕一切災疫無不消滅

復有一法以酥莫一和稻穀十三呪一百八遍火中燒

之隨心所願無不成諦財寶增盈求心滿足

若人欲令他敬念者稱彼前人名字一呪一

稱滿一百八遍即便敬念

復有一法於河渚間砂渾之上以塔形像印

印砂潭上為塔形像誦呪一遍印成一塔如是數滿六十萬遍即得覩見聖者觀自在菩薩之像或見多羅菩薩金剛主菩薩隨其心願皆得滿足或見授與仙神妙藥或見授與菩提之記

復有一法作右繞菩提樹像誦呪滿千萬遍即見菩薩為其說法欲隨菩薩即得隨從復有一法若乞食時常持此呪不為惡人惡狗等類之所侵害

復有一法若在塔前或佛像前或舍利塔前誦持此呪二十萬遍復於白月十五日設大供養一日一夜不食正誦呪得見金剛手菩薩而彼菩薩即將是人往於自宮

復有一法若於轉法輪塔前或佛生處塔前或於忉利天下寶階塔前或舍利塔前於如

是等諸塔之前誦呪右繞即見阿鉢羅是多十三菩薩及呵利底菩薩隨其所願皆悉滿足若須仙藥即便授之復為說法示菩薩道若有誦此陀羅尼者乃至未坐道場一切菩薩為其勝友又此准提大陀羅尼大明呪法過去一切諸佛已說現在一切諸佛今說未來一切諸佛當說我今亦如是說為利一切眾生故得無上菩提故若有薄福眾生無有少善根者無有根器之者無有菩提分者若得聞此大准提陀羅尼法速疾證得阿耨多羅三藐三菩提若有人憶持誦念常不懈廢此佛母心大准提陀羅尼者無量善根皆得成就佛說此大准提陀羅尼法時無量眾生遠塵離垢得大准提陀羅尼大明呪功德得見十方諸佛菩薩諸聖眾等作禮而去



佛說七俱胝佛母心大准提陀羅尼經

佛說七俱胝佛母准提大明陀羅尼經法觀行附

唐天竺三藏金剛智譯

如是我聞一時薄伽梵在名稱大城祇樹給  
孤獨園爾時世尊思惟觀察愍念未來諸眾  
生故說過去七俱胝准提如來等佛母准提  
陀羅尼乃至我今同說即說大明曰

娜麼颯哆喃一三藐三勃馱俱胝喃二但姪  
吽三唵四折隸五注隸六准提七莎嚩訶八

若有苾芻苾芻尼烏婆索迦烏婆斯迦受持

讀誦此陀羅尼滿九十萬遍十四無量劫來五無

間等一切諸重罪悉滅無餘所在生處皆得

值遇諸佛所有資具隨意充足無量百生常

得出家若是在家菩薩脩持戒行堅固不退

速得成就無上菩提恒生天上常為諸天之

所愛敬亦常守護若下生人間當為帝王家

作子或貴族家生其家無有災橫不為病苦

之所惱害不墮三惡趣諸有所作無不諧偶

所出言教人皆信受誦此陀羅尼十萬遍者

得見聲聞緣覺菩薩諸佛若有重罪不得見

者更誦滿十萬遍即境界中吐出黑飯或見

昇於殿宮或登白山及上樹或見大池旋水

或騰空自在或見天女與妙言辭或見大集

會中聽說妙法或見拔髮自身剃頭或契酪

飯飲白甘露或渡大海或浮大河或昇師子

座或見菩提樹或上船舫或見沙門或著白

衣黃衣以衣籠覆其頭或見日月或見童女

或見自身上有乳樹或昇花果樹或見黑丈

夫口中吐出火燄怖走而去或見惡馬水牛

狀似相闕退失而走或見自食乳糜或見有

莫一

十五

香氣白花若見如上相者即知罪滅福生若  
有五逆罪業極重不得見如上相者應當更  
誦滿七十萬遍決定得見如前相貌復次我  
今說此陀羅尼功能所作之事若於佛像前  
或於塔前若清淨處以瞿摩夷塗地而作四  
肘方曼荼羅復以香華幢蓋飲食燈明燭火  
隨力所辦依法供養若欲求願先須念誦加  
持香水散於八方上下結界既結界已於曼  
荼羅四角及其中央各置一香水之瓶行者  
於西面向東方互跪誦一千八十遍其香水  
瓶即便自轉隨意東西任以高下或以淨瓦  
鉢燒香熏之内外塗香盛滿香水并好香花  
置壇中依前瓶法而作念誦其鉢即轉與瓶  
無異若欲得知一切成就成就事即燒香  
發啓白聖者願決疑心若右轉即成就若左

轉即不成就又取好花念誦一百八遍遣一  
童子洗浴清淨著新淨衣以香糝塗手捧花  
掩面復以自手更取別花念誦一遍一擲童  
子身上童子即問善惡皆說隨意僂笑起坐  
來去或於淨潔鏡面以好花念誦一百八遍  
散置鏡上使者即身現鏡中復以前法更取  
好花散鏡面上即有善惡相自現鏡中或以  
朱砂或以香油塗大母指甲其香油以酥摩  
花浸胡麻油中  
念誦一百八遍即現天神及僧菩薩佛等形  
像若心有所疑三世中事一一請問皆知善  
與不善即大母指上自現若人卒得惡病以  
石榴枝白茅香等草念誦鞭拂之即愈或以  
茅草置酥中念誦七遍擲著火中燒之令烟  
熏病人即得除愈或取童女所搓之線念誦  
一遍作一結如是滿二十一結與病人小男

女等項上繫者惡魔鬼魅等病皆得除瘥或莫一十六  
以白芥子置酥中取芥子少許念誦一遍一  
擲火中如是二十一度病即除愈又以瞿摩  
塗地作曼荼羅以炭畫地作彼形石榴等枝  
鞭之彼鬼啼哭求自走去不敢更來或以銅  
鎖鐵木等作金剛杵置病人邊念誦以枝打  
拂亦即奔走復有一法若有人被鬼所著身  
復在遠處不能自來或行者不能自去應取  
楊枝念誦一百八遍遣人將去彼云汝住汝  
去某乙遣將此枝鞭汝汝若不去損汝無疑  
若不去鞭之即去復有一法若在路夜行念  
誦不缺無有賊盜及虎狼惡魅鬼等怖畏難  
處持心念誦并作護身彼等諸難即皆自滅  
或發菩提心或生怖畏或有言說心求免離  
若被執縛即自解脫若欲渡江河大海水中

所有龍龜等畏念誦亦如前法即得不怖或  
被蛇咬即遣彼人圍繞念誦人數而即愈或  
患丁瘡癰癩漏取熏陸香淨土水相和念  
誦二十一遍塗上即愈或復國土水旱不調  
牛馬六畜等疫毒流行應以油麻大麥粳米  
粟豆酥蜜乳酪白乳木諸雜香等皆置一邊莫一十七  
燒香發願為一切眾生除去災難即作手契  
護身想念取前諸物念誦加持擲著火中燒  
之如是七日日別三時作法時別一千八十  
遍即得滿願一切安樂一切三寶悉皆護念  
亦能成就一切大願若欲降伏諸大鬼神見  
即心伏取舍利七粒於白瑠璃椀中盛著取  
醍醐半升亦盛著椀中於白月十五日夜香  
臺前及牽堵波前泥一二肘方曼荼羅置椀  
於中取好花供養西面著一香爐燒安息香

馭馭念誦其椀十舍利當放光或生出舍利  
時行者持香爐發願禮拜即出取舍利盡飲  
取醍醐其舍利盛一瑠璃瓶中以五色絲囊  
盛之頭戴即無量俱胝佛常逐行者諸鬼神  
等自然降伏作法時一日一夜不食若求富  
饒以粳米油麻置酥酪中手把少許發願念  
誦七遍擲著火中燒之隨力七日乃至七七  
日即如其願若求子於樺皮葉上書此陀羅  
尼并畫童子以紫綵裹之念誦一千八十遍  
安著髻中即孕若欲他敬念者稱彼前人名  
字念誦本部一千八十遍即得敬若夫不樂  
婦取淨瓶盛滿香水別置淨處以瞿摩夷塗  
作曼荼羅念誦一百八遍如是七瓶皆作此  
法於淨處以香花爲道場取瓶內香水洗浴  
夫即愛樂亦得有孕婦不樂夫亦如前法若

欲降伏捨觀盧取一劫波羅香湯淨洗浴取  
黃丹和酥塗著劫波羅上使遍塗一小曼荼  
羅置中然五盞酥燈布於四角并中心稱前  
那摩念誦一稱一誦加持白芥子曼荼羅上  
著一盞乳供養此劫波羅一夜一易云爲我  
取彼質多來彼某質多十八禱佉欲母馱彼捨觀  
噓即伏實莫令盡即累劫障道  
若欲求聰明取石菖蒲牛黃各半兩搗作末  
以酥和於佛前作曼荼羅念誦五千遍服之  
即得聰明  
欲得見一切鬼神取牛黃念誦令烟火出即  
塗目并服之即見復有一法於大海邊或河  
渚間沙灘之上以塔形像印印沙灘上爲塔  
形像念誦一遍印成一塔如是數滿六十萬  
遍即得覩見聖者觀自在菩薩之像或見多

羅菩薩金剛藏菩薩隨其心願皆得滿足或見授與仙神妙藥或見授與菩提之記或現前問來隨其乞願皆得菩薩等位

復有一法右繞菩提樹像行道念誦滿一百萬遍即見佛菩薩羅漢爲其說法欲隨菩薩

即得隨從所求如願乃至現身成大呪仙即

得往諸十方淨土歷事諸佛得聞妙法

復有一法若乞食時常持此陀羅尼不爲惡人惡狗等類之所侵害乞食易得

復有一法若在塔前或佛像前或舍利塔前

誦此陀羅尼三十萬遍復於白月一日至十

五日設大供養一日一夜不食正念誦時得

見金剛藏菩薩即將是人往自宮中

復有一法若有王難被繫閉枷鎖禁其身者誦此陀羅尼即得解脫

復有一法若於轉法輪塔前或佛生處塔前或佛從忉利天下寶階塔前或舍利塔前於如是等諸塔之前念誦右繞滿七七日即見阿鉢羅是多菩薩及呵利底菩薩隨其所願皆悉滿足若須仙藥即便授與復爲說法示菩提道若有誦此陀羅尼者乃至未坐道場一切菩薩爲其勝友又此准提大明陀羅尼諸佛菩薩所說爲利益一切衆生無邊菩提道場故若有薄福衆生無有少善根者無有根器之者無有菩提分者是人若得聞此准提大明陀羅尼若讀一遍即得菩提分根器芽生何況誦持常不懈廢由此善根速成佛種無量功德皆悉成就無量衆生遠離塵垢決定成就阿耨多羅三藐三菩提

說七俱胝佛母准提陀羅尼念誦法

依經梵本有十萬偈我今略說念誦觀行供養次第若有苾芻苾芻尼鄔波索迦鄔波斯迦發菩提心行菩薩行求速出離生死者先須入三摩耶灌頂道場受持禁戒堅固不退愛樂大乘菩薩戒行於四威儀脩四無量發四弘願求離三途於一切事業心不散亂方可入此秘密法門凡念誦供養法於所在處皆須清淨澡浴著新淨衣嚴飾道場隨力所辦其道場法應先選穩便勝地東西南北各量取四肘作方曼荼羅掘深一肘除去骨石磚瓦惡土髮毛灰炭糠棘蟲蟻之類以好淨土填滿築平取新瞿摩夷并好土以香湯相和塗地若在樓閣或居船上依法泥塗若在山中及好淨屋不須掘地依前塗飾即張天蓋四面懸幡若有本尊七俱胝佛母形像安

置曼荼羅中面向西若無本尊有諸佛像舍利及大乘經典供養亦得磨白檀香塗作八曼荼羅猶如滿月或似八葉蓮華即以新淨供具金銀熟銅商佉貝玉石瓷木等器盛諸飲食及好香花燈明遏伽香水隨力所有布置供養若苾芻苾芻尼先持戒行初入道場復須懺悔更自誓發願受戒若在家菩薩初入亦須自誓隨力發願受三皈五戒或常持八戒若常三時念誦即於道場西面向東至心合掌五體著地敬禮十方諸佛菩薩虔誠運想遍虛空界便右膝著地合掌至心懺悔自無始已來身口意罪今對諸佛菩薩前弟子某甲發露懺悔乃至過去現在未來三世諸佛菩薩福智圓滿種種功德我今隨喜即結加或半加安心定坐除一切妄想觀六道

莫一

手一

衆生無始以來生死海中輪迴六趣願皆發  
菩提心行菩薩行速得出離即以塗香摩手  
而結手契結契時以衣覆手勿令人見先結  
三部三摩耶契次結諸契  
佛部三摩耶契第一

其契相福智手並仰檀戒忍辱般若方便願  
微屈相拄進力壓忍願上節禪智附進力側  
即成誦妙言曰

唵怛他夔覩嚩嚩<sub>去聲</sub>耶沙嚩訶<sub>誦三遍以契頂上散</sub>

蓮華部三摩耶契第二

二福智相合戒忍進方便願力各各散開微  
屈六波羅密開如蓮華檀般若禪智頭相著  
亦微屈即成誦妙言曰

唵鉢頭牟嚩<sub>去聲</sub>番<sub>去聲</sub>耶莎嚩訶<sub>誦三遍</sub>

金剛部三摩耶契第三

福覆智仰禪般若檀智相交即成即誦妙言

曰

唵 嚩折嚩婆<sub>去聲</sub>嚩<sub>去聲</sub>耶莎嚩訶<sub>誦三遍</sub>

准提佛母根本身契第四

其契相先以二手小指二無名指相又入掌

二中指直豎頭相著二頭指頭附二中指上

節側二大指各附二頭指側即成妙言誦根

本陀羅尼<sub>誦七遍以契頂上解散以下諸契結成揮觸印了亦並須頂上散之</sub>

辟除一切天魔惡鬼等契第五

其契先以右手中指無名指小指及大指握

左中指以下三指次以左大指握左中指以

下三指甲上爲合拳以二頭指頭相著即成

妙言曰

唵俱<sub>上聲</sub>嚩<sub>上聲</sub>憍那<sub>引</sub>鉢惹<sub>誦一遍以契右旋是即</sub>

身一而如此二度作



莫一

手二

結地界橛契第六

其契相以左右二中二無名指又入掌右壓左右頭指屈如鉤左頭指直豎二大指二小指令面相著即成妙言曰

唵准你泥枳邏耶莎嚩訶誦一遍以契大母指觸地一回如卓

極勢三度作即休

結牆界契第七

其契准前橛契以右手頭指屈如鉤左頭指直豎即成妙言曰

唵准你泥鉢囉迦羅耶莎婆訶誦三遍以契右揮三巾即

是

結網契第八

其契准牆契開仰著右大指捻左頭指頭左大指捻右頭指頭小指依舊相拄即成妙言曰

唵准你泥半惹邏莎嚩訶誦三遍以契隨日揮三度即是

結外火院大界契第九

其契以左手密掩右手背相重直豎二大指相去二寸許即成妙言曰

唵阿三摩祇你鉢莎嚩訶誦三遍以契右旋三度即是

莫一

手三

結車輅契第十

其契相先以二手向內相又右壓左即仰開掌二頭指直伸頭相拄以二大指撥二中指頭來去即成妙言曰

唵觀廬觀廬莎嚩訶結此契心想阿迦尼瑟吒天宮中毘盧遮那如

來十此菩薩圍繞集會中請准提佛母聖者乘七寶莊嚴車輅上有白蓮花座座上有如所畫像形心中想念如在目前誦妙言三遍

結迎請契第十一

准前第一根本契以二大指來去招之三度即成妙言曰

唵折糝主糝准提噯醯曳醯薄伽縛底莎縛

訶結此契想聖者從寶車上下來道場中白蓮花座上即誦妙言三遍

結蓮華座契第十二

准前根本契並二大指向身開豎之即成妙

言曰

唵迦摩囉莎縛訶結此契心想道場中種種寶細師子座上開白蓮華

安置聖者即誦妙言三遍

結遏迦契第十三

准前根本契以二大指各捻頭指根第一節

側下即成妙言曰

唵折糝主糝准提遏鉗薄伽縛帝鉢囉底搓

莎縛訶

結洗浴契第十四

准前遏迦契以二大指各並捻二中指下節

側即成妙言曰

唵折莎縛訶

結塗香契第十五

准前根本契以二大指博著右頭指下節側

即成妙言曰

唵 糝莎縛訶

結華髮契第十六

准前根本契以二大指安著左頭指下節側

即成妙言曰

唵 主莎縛訶

結燒香契第十七

准前根本契屈右頭指捻二大指頭即成妙

言曰

唵 糝莎縛訶

結供養飲食契第十八

准前根本契以左頭指相捻二大指頭即成

妙言曰

唵 准莎縛訶

結燈契第十九

准前根本契以二頭指各捻二大指頭即成

妙言曰

唵

提莎縛訶

已上塗香契等各各契觸當色物上供養

結布字契第二十

其契相以二中指二無名指向內相又二大

指二頭指二小指並直豎頭相著即成結此

手契成即想自身猶若釋迦如來三十二相

八十種好紫磨莫一金色圓滿身光想已于五以手契

觸頭上布唵字觸眼中布折字一一依字次

第乃至兩足皆以契觸布之

說陀羅尼字想布於身法

唵想安頭上 其色白如月 放於無量光

除滅一切障 即同佛菩薩 摩是人頂上

折字安兩目 其色如日月 為照諸愚暗

能發深慧明 繇字安頸上 色如紺瑠璃

能顯諸色相 漸具如來智 主字想安心

其色如皎素 猶心清淨故 速達菩提路

繇字安兩肩 色黃如金色 猶觀是色相

能披精進甲 准字想齋中 其色妙黃白

速登妙道場 不退菩提故 提字安兩脛

其色如淺黃 速證菩提道 得坐金剛座

莎縛字安兩脛 其狀作赤色 常能想是字

速得轉法輪 訶字置兩足 其色猶滿月

行者作是想 速得達圓寂

如是布字想念已 便成准提勝法門

亦名本尊真實相 能滅諸罪得吉祥

猶如金剛堅固聚 是名准提勝上法



字義與心相應不得差牙說三摩地觀念布字七  
字義喻字門者是流注不生不滅義復於一切法為最勝義折字門者於一切法是無行義緣字門者於一切法是無相義主字門者於一切法是無起住義緣字門者於一切法是無垢義准字門者於一切法是無等覺義提字門者於一切法是無取捨義莎縛字門者於一切法是平等無言說義訶字門者於一切法是無因寂靜無住涅槃義所說字義雖立文字皆是無文字義既無文字須諦觀一一義相周而復始無記無數不得斷絕不斷絕者為流注不生不滅最勝義是故無行為無行義是故無相為無相義是故無起住為無起住義是故無等覺為無等覺義是故不取捨為無取捨義是故平等無言說為平

等無言說義是故無因寂靜無住涅槃為寂靜無住涅槃義是故不生不滅最勝無斷周而復始此名三摩地念誦  
說准提求願觀想法  
若求無分別者當觀無分別無記念若求無相無色當觀文字無文字念若求不二法門者應觀兩臂若求四無量當觀四臂若求六神通者當觀六臂若求八聖道當觀八臂若求十波羅蜜圓滿十地者應觀十臂若求如來普遍廣地者應觀十二臂若求十八不共法者應觀十八臂即如畫像法觀也若求三十二相當觀三十二臂若求八萬四千法門者應觀八十四臂如上觀念當入一切如來三摩地門甚深方廣不思議地是正念處是正真如正解脫念誦觀行了欲出道場復須

莫一

辛八

依前次第更結燒香燈明飲食等手契供養  
懺悔隨意發願即結前第一根本契誦根本  
陀羅尼七遍頂上散之復結前車輅契以大  
二母指向外三度撥中指頭妙言曰

唵觀噓觀噓莎縛訶誦三遍

復結前迎請契以二大母指向外三度開即

成送聖者還本宮妙言曰

唵折糝主糝准提夔車夔車婆伽縛底莎

縛 瞞縛喃布娜囉哦摩那耶莎縛訶誦三遍

復結前外火院大界契誦阿三摩祁尼誦妙

言左轉三遍即成復更結三部三摩耶契各

誦妙言一遍即了任出道場隨意經行讀誦

大般若或華嚴或無邊門或法華楞伽涅槃

大乘經論等思惟講說或以七俱胝佛像塔

印用印香泥沙上紙上隨意印之多少如念

誦有功如經所說境界一一分明了知次第  
欲得作扇底迦等種種方法或為自身或為  
他人即任依而作念誦

說扇底迦法

若欲求息災除一切鬼神及聰明長命求解

脫者即於道場中面向北交脚莫一豎膝而坐衣

服飲食香華燈燭地等並用白色二九從月一日

至八日日三時念誦及護摩等法若念誦時

先誦根本陀羅尼三七遍已然後但從唵字

誦之妙言曰

唵 折糝主糝准提與彼某甲除災難莎縛

訶

說布瑟置迦法

若欲求增長五通轉輪種種寶藏布著輪劍

賢瓶如意寶安善那虞里迦鍾及鉞斧箭索

三叉等一切財寶藥草成就法者身著黃衣面向東結跏趺坐所供養香華飲食果子燈燭地等並用黃色從月八日至十五日日三時念誦護摩等事念誦如前妙言曰

唵 折糝主糝准提與彼某甲所求如意莎

嚩訶

說代施迦羅拏法

若欲呼召一切天龍鬼神人非人等應作此法者身著赤衣面向西結跏坐香華飲食果子燈燭地等並用赤色從月六日至二十三

日日三時念誦護摩等法妙言曰

唵 折糝主糝准提為彼攝召某神成就我

願莎嚩訶

說阿毗遮嚩迦法

若欲降伏一切惡神鬼及損三寶人天者有

多罪業障重衆生調伏難者能令發菩提心脩諸善業者應起慈悲心而作此法身著青衣面向南作蹲踞坐左脚壓右脚用香華食果地等皆用青黑色從二十三日至月盡日日三時念誦護摩等法妙言曰

唵折糝主糝准提唵發吒

其三十

作法已即如常念誦

說七俱胝佛母准提畫像法

取不截白氎清淨者擇去人髮畫師受八戒齋不用膠和色用新椀盛彩色而用畫之其

像作黃白色種種莊嚴其身腰下著白衣衣

上有花又身著輕羅綽袖天衣以綬帶繫腰

朝霞絡身其手腕以白螺為釧其臂上釧七

寶莊嚴一手上著指環都十八臂面有三

目上二手作說法相右第二手施無畏第三





[www.docsriver.com](http://www.docsriver.com) 定制及广告服务 小飞鱼

更多**广告合作及防失联联系方式**在电脑端打开链接

<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本店

内容不排斥 转载、转发、转卖 行为

但请勿去除文件广告宣传页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼

更多**广告合作及防失联联系方式**在电脑端打开链接

<http://www.docsriver.com/shop.php?id=3665>

